

1 John

Saint John Tr'ookit Dęhtly'aa Daąantł'oo

Dinjii Khik Geenjit Gweheendaii Eenjit

1 ¹Nijin nan goodlit dał' Ginjik gwandaii eenjit nakhwats'a' ch'adaraąantł'oo. Diikhwan tthak diinindee haa tr'aąah'ya' ts'a' chan diits'a' ginkhii. Aįįts'a' chan diinanli' haa vakat naraanjik ts'a' ıyaa dinjii k'it t'inchy'aa. Ginjik, khik vaagwireheendaii voozhri' oozhii. ²Jii Ginjik, juk gweendaa gwireheendaii eenjit vigwiilkįi. Datthak jidii tr'aąah'ya' ts'a' jidii veenjit gwiriitth'ak, aįi kwaii tthak geenjit nakhwaa gwaraandak. Gwehkįi dał' Diiti', Vit'eegwijyahchy'aa oaazhii, haa nilii. Aįiıtł'ęę diinaa vigweech'in dhidlit. ³Datthak ch'ihłak diinaa qhłi' gwiindhan. Izhik geh'an jii jidii tr'aąah'ya', jidii tr'iitth'ak datthak nakhwaa gwaraandak t'igwinyaa. Izhik ji' Diiti' Vit'eegwijyahchy'aa ts'a' Vidinji', Jesus Christ haa ch'ihłak tr'ihelyaa. ⁴Aįi ji' datthak diihaar shrigweheechy'aa. Izhik chan geh'an nakhwats'a' ch'adarantł'oo.

Vit'eegwijyahchy'aa Ch'ahdit Nili

⁵Jii Ginjik Jesus Christ ts'an tr'igwiitth'ak nakhwaa gwaraandak, "Vit'eegwijyahchy'aa shree k'it t'inchy'aa. Tqo ıaa gaą vadrai gwakwaa," jyaa dinyaa. ⁶Nijin Vit'eegwijyahchy'aa vaa ch'ihłak k'it t'oonchy'aa, gaą nihk'it tqo gwizhit gwarandaii k'it t'oonchy'aa dał', jidii tr'agwaanduu t'igwii'in ts'a' chan deegwinyaa datthak tr'oots'it t'igwii'in. ⁷Nijin gwarandaii gwizhit Vit'eegwijyahchy'aa

vik'it ch'arəhndit k'it t'oonchy'aa ji', ch'izhii diinaa gwik'injighit nąjį haa gwinzii nihłaa gwiree'aa ts'ą' chan Vidinji' Jesus vadaa k'iighai' diitr'agwaanduu datthak oo'an gweheelyaa.

⁸“Datthak diitr'agwaanduu gwakwaa,” gwinyąą ji', adats'ą' tr'oots'it ts'ą' Jesus Christ łyaa diidrii zhit t'inchy'aa kwaa.

⁹Gąą Vit'eegwiyąhchy'aa, diitr'agwaanduu vaa gwaraandak ji' deegwehee'yaa nyaą gwik'it t'ihēe'yaa ts'ą' gwinzii neegwahahtsyaa haa diitr'agwaanduu diits'an oo'an gweheelyaa gwizhrįh. ¹⁰Gwarandaii gwizhit tr'agwaanduu gwitr'it t'aragwąh'ya' kwaa, gwinyąą ji', Vit'eegwiyąhchy'aa ąjį oots'it tr'ahtsii ts'ą' Viginjik chan diizhit t'inchy'aa kwaa.

Christ Diits'ihēenyaa

2 ¹Shitr'iinin tsal nąjį k'it t'anakhoihnyaą. Khagootsyaa shrų' nahoihnyaą. ąjį geh'an jii nakhwats'ą' gwidiįht'oo. Gąą juu khagwaatsii ji', gwitee gwa'an gwats'an ch'ihłee diti' ts'ą' diineenjįt ch'oodiikwat. Adan t'ee juu Viti' doo'ya' yuunyaą khit gwik'it t'ii'in nilii, voozhri' Jesus Christ oaazhii. ²ąjįts'ą' chan ąjį dinjii ąjįt'ee diitr'agwaanduu gwats'an shrii tr'ineediinąhchik. Gąą diikhwązhriį nakwaa. Gąą juu nąjį datthak chan gootr'agwaanduu ts'an shrii tr'anahchik.

³Gąą Vit'eegwiyąhchy'aa dinjii dahnyaą gwik'eegwarahthat ji', ąjį gwik'iighai' ji' gąą łyaa vaagwiindaii gaagweheendaii. ⁴Gąą ch'ihłee, “Vaashandaii,” yahnyaą gwiizhik Vit'eegwiyąhchy'aa dinjii nąjį dahnyaą gwik'eegwahthat kwaa ji', ąjį dinjii oots'it heelyaa ąjįts'ą' chan łi'didlii t'inyaą kwaa. ⁵Gąą juu Vit'eegwiyąhchy'aa viginjik k'eegwahthat ji', Vit'eegwiyąhchy'aa vich'eet'igwiniidhan k'iighai' łyaa zhyaą vit'igwehee'aa kwaa. ąjį gwats'an t'ee łyaa zhyaą vaa ch'ihłak tr'inlii gaagweheendaii. ⁶Juu khik ts'ą' Vit'eegwiyąhchy'aa haa ihłjį, nyaą ji', t'ee Jesus Christ nats'ahts'ą' dinjii inli', adan t'ee gwik'it t'ihēechy'aa, gwik'eegweheendaii.

Jii Gwidiįht'oo T'ee Gwalat Kwaii Tth'aii Goohtth'ak Kwaa

⁷Shalak nąjį, jii nakhwats'ą' gwidiįht'oo Vit'eegwiyąhchy'aa ninghyuk kwaa ąjį gwats'an nakhwaa gwaandak t'inchy'aa kwaa, gąą nijin drin Christ k'injuhkhįt dhoodlit gwats'an hee gaahakhwandaii. ąjįt'ee Gwandak Nizjį dohtth'ak t'oonchy'aa.

⁸Googaa tth'aii jii jidii nakhwats'a' gwidiijht'oo gwalat kwaii tth'aii goohtth'ak kwaa. Ajj aadrii nizij nilii t'ee gwandaa gwint'oo aadrii ilii, aji geh'an gwiyeendaa toq gwanlii kwaa. Christ gwandaii gwizhit daj' t'ee jii hi'deegwidlii gwaraaqah'ya'. Ajiits'a' chan juk t'ee nakhwan chan hi'deegwidlii gwagoqohch'in.

⁹Juu, "Aadrii zhit gwiijhdaii," nyaqa, gwiizhik gaq juu Christ k'injiighit naji eet'iindhan kwaa ji', t'ee tth'aii nihk'it vaa toq goo'aii, gwehkij dinchy'aa daj' gwik'it. ¹⁰Juu Christ k'injiighit naji eet'iindhan. Aji naji t'ee aadrii zhit googwandaii. Aji vats'an t'ee juu Christ k'injiighit naji khagwahaatsyaa giveenjit gwehehkwa.

¹¹Gaq juu Christ k'injiighit naji eet'iindhan kwaa ji', aji t'ee toq gwizhit gwandaii. Toq gwizhit zhik gwa'an neehidik, gaq nijuk ahaa adahaaheendaii kwaa, toq gwizhit vaa gweech'in kwaa geh'an. Vandee naatthaa k'it nihk'it t'iichy'aa.

¹²Shitr'iinin naji, nakhwats'a' ch'adiht'oo. Jesus Christ nakhweenjit niindhat, nakhwatr'agwaanduu kwaii oo'an gweheelyaa geenjit.

¹³Ch'anjaa naji, nakhwats'a' ch'adiht'oo. Juu nan goodlit daj' gwats'an gwandaii, aji t'ee lya vaakhwandaii. Juu k'eejit nilii naji, nakhwats'a' ch'adiht'oo.

Ch'ankey'aa tr'aanduu aji t'ee gaayiidhohtsaji.

Shitr'iinin naji, nakhwats'a' ch'adiht'oo. Diiti' t'ee lya vaakhwandaii.

¹⁴Ch'anjaa naji, nakhwats'a' ch'adiht'oo. Juu nan goodlit daj' gwats'an gwandaii, aji t'ee lya vaakhwandaii.

Juu k'eejit nilii naji, nakhwats'a' ch'adiht'oo.

Lya nakhwach'agwadhan. Gweedhaa datthak

Vit'eegwijyahchy'aa viginjik nakhwayinji' zhit t'inchy'aa.

Ch'ankey'aa Tr'aanduu, aji t'ee gaayiidhohtsaji.

¹⁵Jii nankak gwitr'it gwiizuu kwaii ts'a' chan dinjii gwiizuu t'ii'in, aji naji eenjit gwitr'it t'agoh'ya' shro'! Akwat gwik'it t'akho'in gwik'eegohdaii ji', it'ee Diiti' zhyaa veet'ohthan adoo'ji. ¹⁶Jidii k'eiich'ii dzaa nankak gwizhit datthak, dinjii tr'agwaanduu nihaa neegwigwii'aii naji, aji dinjii naji jidii yiindhan datthak; dinjii jidii nah'in, zhat chan it'ee yiyiindhan; dinjii jidii khadeenjit gwint'oo eech'i'in. Jii kwaii datthak Diiti' ts'an gwats'an t'inchy'aa kwaa. Aji kwaii datthak it'ee nankak gwats'an t'inchy'aa. ¹⁷Jii nankak gwitr'it gwiizuu kwaii ts'a' jidii

dinjii gwiizüü t'ii'in datthak, ninghyuk kwaa ndaagwahaa'aa. Gaa juu Vit'eegwiyahchy'aa doochy'a' yuunyaä gwik'it t'inchy'aa ji', vagwandaii ndaahaa'aa kwaa.

Christ Ts'a' Itr'ii'ee Najj

¹⁸ Shitr'iinin najj, khaiinkqo drin gwats'a' gweedhaa. Gwats'an dajj' hee goothth'ak, khaiinkqo drin ji' Christ ts'a' gwil'ajj' it'ee diitee gwitr'it t'agwahah'yaa. Gaa juk it'ee Christ itr'ii'ee lejji najj diitee gwitr'it t'agoogwah'in. Ajj' geh'an t'ee khaiinkqo drin gwats'a' gweedhaa, datthak gaagwiindaii. ¹⁹ Geedan t'ee Christ k'injiighit najj tee fyaa zhyaä ginli' kwaa. Ajj' geh'an t'ee diitee gwats'an gihleegahaajil. Gaa fyaa zhyaä diihaa ginli' ji', duuyeh diitee gwats'an gihleegihyaa. Diineefeegeiheedaa giveenjit shragwaazhik. Jii gwik'iighai' t'ee fyaa zhyaä diitee ginlii kwaa, dinjii najj gavaaheendaii.

²⁰ Gaa nakhwan ajj, Christ Ch'ankey'aa Shroodiinyaä nakhwats'an iltsajj. Ajj' geh'an t'ee jidii hi'deegidlii tthak gaakhwandaii. ²¹ Datthak jidii hi'deegidlii gaakhwandaii. Oots'it chan juu hi'didlii ts'an t'inchy'aa kwaa. Li'deegwidlii gaakhwandaii it'ee gaashandaii, gaa nakhwats'a' ch'adiht'oo gaaneenakhwahadaii geenjit.

²² Ajj' ji' t'ee, juu oots'it nilii? Juu, "Jesus fyaa Christ (Messiah) t'inchy'aa kwaa," nyaä ji', ajj'it'ee oots'it t'ihheechy'aa. Adan it'ee Christ ts'a' gwil'ajj' t'ihheechy'aa. Ajj'it'ee Diiti' ts'a' chan Vidinji' haa eenjit gwik'injiighit kwaa. Diiti', Didinji' eenjit deiinya' chan gwik'injiighit kwaa. ²³ Juu, "Gwidinji' eenjit gwik'injihkhit kwaa," nyaä ji', ajj'it'ee Vit'eegwiyahchy'aa haa nilii kwaa. Juu, "Gwidinji' eenjit gwik'injihkhit," nyaä ji', ajj'it'ee Vit'eegwiyahchy'aa haa nilii.

²⁴ Gaa nakhwan ajj, nijin drin Christ k'injuhkhith dhoodlit gwats'an jidii goothth'ak gweedhaa tthak nakhwayinji' zhit goodlii. Jyaa dohchy'aa ji', ajj' chan jyaa dohchy'aa fyaa zhyaä akhagohnya' shrq'! Ajj' gwik'iighai' t'ee, Gwidinji', Gwiti' haa nih'aa ch'ihlak k'it gavaa t'ahohchy'aa. ²⁵ Ajj'it's'a' chan Christ, "Jidii nakhwats'an hahtsyaa," nyaä chan diits'an hahtsyaa. Ajj'it'ee, khik Vit'eegwiyahchy'aa diihaa heelyaa.

²⁶ Akwat zhik juu teenakhwaheelyaa najj, ajj' najj' eenjit nakhwats'a' ch'adiht'oo. ²⁷ Gaa nakhwan ajj, Christ Ch'ankey'aa Shroodiinyaä nakhwats'an iltsajj' ts'a' khik nakhwaa nilii. Vik'iighai' khik gaahakhwandaii, jidii eenjit tthak

geenakhwaahtan. Jidii geenakhwaahtan tthak hi'didlii. Ch'ihłok gaą oots'it kwaa. Datthak geenakhoołtin. Jyaa dinyaa, “Christ ch'ihłak k'it vaa t'ohchy'aa.” Jii gwik'eegohthat. Aııı geh'an t'ee geeghah geech'ooahtan naııı t'oochchy'aa kwaa.

²⁸Shitr'iinin naııı, Christ ch'ihłak k'it vaa t'ohchy'aa. Aııı ji' t'ee, nijin chan idineegwiilkııı ji', nakhwatee nilii gwik'iighai' hoqonjat kwaa. Ch'ihłak k'it vaa t'ohchy'aa. Aıııt'ee nijin drin chan k'inidik ji', nakhwatee heelyaa aıııts'a' oozhii geenjit hohlyaa gwehehkkaa.

²⁹Christ, Viti' doo'ya' yuunyaą khit gwik'it t'ii'in. Aıııt'ee gaakhwandaii. Aıııts'a' juu khik dee'ya' datthak gwit'igwin'ee kwaa ts'a' t'ee'ya' ji', tth'aii hee gwit'igwehee'aa kwaa ts'a' t'hee'ya, ji naııı t'ee Vit'eegwiyahchy'aa vitr'iinin naııı. Jii t'ee nakhwahkhai' gaahakhwandaii gohtan.

Jii T'ee Vit'eegwiyahchy'aa Vitr'iinin Naııı

3 ¹Diiti' lyaa deegwiłt'oo diineet'iindhan diits'a' googwaahch'in, izhik gininjich'ohthat. Ch'et'igwiniindhan diineenjit di'ııı lyaa nitsii. Aııı geh'an t'ee Vit'eegwiyahchy'aa vitr'iinin naııı diinahnyaa. Akwat it'ee lyaa zhyaa vitr'iinin naııı t'irinchy'aa. Aııı geh'an t'ee zhik juu dzaa nankak deegwił'in gwizhrııı gininjich'ahthat naııı diihaagiindaii kwaa. Aıııts'a' chan Vit'eegwiyahchy'aa juu t'inchy'aa gaą gaagiindaii kwaa. ²Shalak naııı, juk Vit'eegwiyahchy'aa vitr'iinin naııı tr'inlii, gaą yeendaa ji' jidii k'it t'inchy'aa dinjii tr'heelyaa tth'aii gaagwiindaii kwaa. Gaą nijin Christ idineegwiilkııı ji', deegwiłt'oo shroodiinyaą nilii tr'ahaah'yaa. Aııı gwik'iighai' t'ee vik'it t'igweheenjyaa. Izhik t'ee lyaa gaagwiindaii. ³Jyaa digweheenjyaa geenjit dinjikhwaghit ji', ts'a' gwik'it t'igweheenjyaa khik ts'a' geegohııı. Aıııts'a' khik geenjit shrii tr'eedoozhii, Christ deegwiłt'oo shroodiinyaą nilii gwik'it t'ahohchy'aa geenjit.

⁴Juu tr'agwaanduu gwitr'it t'agwah'in t'ee Vit'eegwiyahchy'aa Va-law łahnaii t'inchy'aa, tr'agwaanduu gwitr'it t'agwarah'in t'ee Law łeerahnaii t'igwił'in. ⁵Christ dzaa nankak gwats'a' haazhii, diitr'agwaanduu diıııegweheelyaa geenjit. Izhik t'ee lyaa gaakhwandaii. Lyaa zhyaa khagwaatsii kwaa, khagwahaatsyaa gwadraııı gwatsal gaą veenjit gwakwaa. ⁶Aııı geh'an juu Christ ch'ihłak k'it haa t'inchy'aa naııı, tr'agwaanduu gwankeegihee'ik kwaa. Gaą juu geenjit gwakwaa tr'agwaanduu gwankeehi'ik naııı,

t'ee ʎyaa tth'aii Christ k'injigiighit kwaa. Aʎiʎts'a' chan juu t'inchy'aa giiaandaii kwaa.

⁷Shitr'iinin naʎi, zhik juu teenakhwahoihʎyaa yindhan, aʎi naʎi ts'i' adak'qontii. Juu khik gwinzii t'ii'in, aʎiʎt'ee ʎyaa vit'igwiin'ee kwaa, Christ vit'igwiin'ee kwaa gwik'it. ⁸Nan goodlit gwats'an Ch'anʎy'aa Tr'aanduu khagwihiiʎtsaʎi ts'a' tth'aii hee ahdal. Juu yik'it tʎhdaii naʎi t'ee yigii naʎi nilii. Ch'anʎy'aa Tr'aanduu vigwitr'it datthak an gwahaatsyaa, izhik geenjit gwizhriʎ Vit'eegwijyaʎhchy'aa Vidinʎi' nankak niinzhii.

⁹Juu Vit'eegwijyaʎhchy'aa vitr'iinin nilii naʎi, aʎi naʎi t'ee Vit'eegwijyaʎhchy'aa deiinchy'aa gwik'it t'inchy'aa. Aʎi naʎi t'ee khagwahaatsyaa gwankeegihi'ik kwaa, Vit'eegwijyaʎhchy'aa t'ee gooti' nilii, aʎi geh'an t'ee zhyaa khagogwahaatsyaa gwankeegihi'ik kwaa. ¹⁰Juu khik gwinzii t'ihēe'yaa gwik'eegwandaii kwaa, aʎi naʎi t'ee Vit'eegwijyaʎhchy'aa vigii naʎi t'inchy'aa kwaa. Aʎiʎts'a' chan juu Christ k'injiighit naʎi eenjit ch'eet'igwiniindhan di'iʎi kwaa, aʎi naʎi chan Vit'eegwijyaʎhchy'aa vitr'iinin nilii naʎi kwaa. Jyaʎts'a' t'ee juu Vit'eegwijyaʎhchy'aa vitr'iinin nilii, ts'a' juu Ch'anʎy'aa Tr'aanduu vitr'iinin nilii naʎi, gwinzii tthak gaarehendaii.

ʎyaa Zhyaa Nihleet'iriheŋghyaa Gwizhriʎ

¹¹Nijin drin Christ k'injuhkhith dhoodlit gwats'an hee jii ginjik dohtth'ak. Dinʎi naʎi datthak nihleet'ihēŋghyaa gwizhriʎ, gwinyaa. ¹²Dinʎi, Cain oaazhii, vik'it dinʎi tr'ooli' shro', khai' dachaa, Abel oaazhii, diʎkhwaʎi. Ch'anʎy'aa tr'aanduu ts'an nilii. Jaghii dachaa diʎkhwaʎi? Vachaa gweheezyaa geenjit gwizhriʎ gwitr'it t'agwah'in, gaʎ adan aʎi gweheezuʎ geenjit gwizhriʎ gwitr'it t'agwah'in. Izhik geh'an gwizhriʎ dachaa diʎkhwaʎi.

¹³Shalak naʎi, ch'anʎy'aa tr'aanduu vitsyaa naʎi duulee nakhwatr'ihēe'ee t'oonchy'aa, izhik geegohii. ¹⁴Diikhwan aʎi Christ k'injiighit naʎi ʎyaa eet'iriindhan. Aʎi geh'an ch'ich'i' k'it t'irinchy'aa kwaa ts'a' at'ohju' t'ee ʎyaa zhyaa gwarandaii. Gaʎ juu Christ k'injiighit naʎi eenjit ch'eet'igwiniindhan di'iʎi kwaa ji', aʎiʎt'ee ch'ich'i' k'it nihk'it t'inchy'aa ts'a' khik ts'a' jyaa diheechy'aa. ¹⁵Juu Christ k'injiighit naʎi itr'ii'ee, aʎiʎt'ee dinʎi aghan nilii. ʎyaa zhyaa gwirehendaii ji', dinʎi aghan k'it t'oonchy'aa ji', duuyeh gwik'it goo'aii. Aʎiʎt'ee gaakhwandaii. ¹⁶Christ diineenjit gwizhriʎ niindhat. Jyaʎts'a' t'ee deegwit'oo diineet'iindhan diʎts'a' googwaahch'in.

Vik'it diikhwan chan Christ k'injiighit naïï eenjit diidrin ji', gaq gwint'l'eereheelyaa. ¹⁷Juu jidii t'aahchy'aa datthak di'ïï, gaq Christ k'injiighit naïï ch'ihlak k'eiich'ii t'aahchy'aa haandaii, googaa yeechya k'waa ts'a' yits'inyaq k'waa. Aïït'ee Vit'eegwijyahchy'aa vich'eet'igwiniidhan haandaii k'waa. ¹⁸Shitr'iinin naïï, ginjik haa gwizhriï nihleet'iriheenghyaa k'waa. Zhyaa nihleet'iriindhan nihlaraanyaq ts'a' zhyaaq geegirinkhii ji', it'ee ginjik zhrïh t'inchy'aa. Łyaa zhyaaq nihleet'iriindhan ji', it'ee diigwitr'it haa garagwahaahchy'aa.

**Tr'aqanjat Kwaa Ts'a' Vit'eegwijyahchy'aa
Vats'a' Khadigireheeyaa**

¹⁹Aïï ji' t'ee, Vit'eegwijyahchy'aa łyaa zhyaaq nilii vats'an tr'inlii łyaa zhyaaq gaagweheendaii. Aïïts'a' chan nijin Vit'eegwijyahchy'aa vandaa nirïinjal ji', khai' tr'ahaachy'aa ts'a' t'igwehee'yaa. ²⁰Gaq diiyinji' zhit gwintsal gwizhriï ch'ïjuk ninjich'aradhat ji', gaq khai' tr'ahaachy'aa k'waa. Vit'eegwijyahchy'aa łyaa diiyinji' zhit adaagwiindaii gwandaa datthak diinaandaii. Vit'eegwijyahchy'aa jidii datthak gaandaii. ²¹Shalak naïï, diiyinji' zhit k'eegwiichy'aa gwiizuy gininjich'arahthat k'waa ji', tr'aqanjat k'waa ts'a' Vit'eegwijyahchy'aa vats'a' khadigireheeyaa. ²²Deegwehee'yaa diinahnyaq datthak, gwik'eegwarahthat. Aïïts'a' chan nats'ahts'a' shoo heelyaa gwizhriï chan gwik'it t'igwii'in. Aïï geh'an nijin k'eegwiichy'aa geenjit vats'a' ch'inkeegarinkhii daï', diik'eegwahthat. ²³Vidinji', Jesus oaazhii, aïï vik'injuhkhith. Aïïts'a' chan łyaa zhyaaq nihleet'iriheenghyaa gwizhriï. Jii kwaii t'ee łyaa gwik'it t'igwehee'yaa, nyaq. Christ chan łyaa zhyaaq nihleet'iriheenghyaa, nyaq. ²⁴Juu Vit'eegwijyahchy'aa deenyaq gwik'eegwahthat, aïï naïï t'ee ch'ihlak k'it giyyaa t'inchy'aa. Aïïts'a' Vit'eegwijyahchy'aa khik gavaa nilii. Ch'an ky'aa Shroodiinyaq diits'an iłtsaïï, aïï k'ïghai' t'ee Vit'eegwijyahchy'aa khik diinaa nilii gaagwiindaii.

**Ch'an ky'aa Shroodiinyaq Łyaa Oots'it Kwaa, Gaq
Ch'an ky'aa Tr'aanduu Łyaa Oots'it Gaandaii**

4 ¹Shalak naïï, Vit'eegwijyahchy'aa eenjit ginkhii adaa'ïï naïï d'zaa nankak gwanlii. Dinjiï leïï naïï tsinteediihaqhkaii. Juu Ch'an ky'aa Shroodiinyaq shats'an nilii, nyaq ji', aïï naïï

k'injuhkhith shro', gaq Vit'eegwijyahchy'aa vats'an Ch'anky'aa Shroodiinyaq di'ij ji', eenjit tr'ookit vak'ahoonjii. ²Jyah'ts'a' t'ee Vit'eegwijyahchy'aa Vach'anky'aa Shroodiinyaq haa haakhwandaii. Dinjii Jesus Christ dinjii k'it dzaa nankak noozhii, nyaq ji', aijt'ee Vit'eegwijyahchy'aa Vach'anky'aa Shroodiinyaq di'ij. ³Gaq juu, "Jesus dinjii k'it dzaa nankak noozhii kwaa," nyaq ji', aijt'ee Vit'eegwijyahchy'aa Vach'anky'aa Shroodiinyaq di'ij kwaa. Jidii di'ij aijt'ee Christ ts'a' gwi'ajj ts'an t'inchy'aa. "Christ ts'a' gwi'ajj it'ee diitee neeheedya," gwinyaq, izhik t'ee goohtth'ak. Gaq ch'adaq' hee diitee neezhij t'inchy'aa.

⁴Gaq shitr'iinin najj, Vit'eegwijyahchy'aa vats'an qh'ij. Ch'anky'aa Shroodiinyaq nakhwats'an nilii, aijt'ee ch'anky'aa tr'aanduu dzaa nankak gwats'an nilii najj zhit gwitr'tit t'agwah'in, aij gaq andaa veegoo'aii. Ch'anky'aa Shroodiinyaq nakhwats'an nilii geh'an t'ee, "Vit'eegwijyahchy'aa eenjit ginkhii ih'ij," nyaq najj neenakhwagiin'ak kwaa. ⁵Jii najj t'ee dzaa nankak gwats'an gin'ij. Dzaa nankak deegwii'in gwizhrij geegiginkhii ts'a' nankak gwats'an nilii najj lya zhyaq gavook'ij. ⁶Gaq diikhwan Vit'eegwijyahchy'aa vats'an tr'inlii. Juu Vit'eegwijyahchy'aa haandaii najj t'ee lya diigook'ij. Juu Vit'eegwijyahchy'aa vats'an nilii kwaa najj diigook'ij kwaa. Ch'anky'aa Shroodiinyaq lya oots'it kwaa, gaq ch'anky'aa tr'aanduu lya oots'it gaandaii. Diigook'ij ji' t'ee Ch'anky'aa Shroodiinyaq vats'an nilii, vaagwehendaii. Aijts'a' chan diigook'ij kwaa ji' t'ee, ch'anky'aa tr'aanduu vats'an nilii, vaagwehendaii.

Vit'eegwijyahchy'aa Gweedhaa Tthak Dinjii Najj Eet'iindhan

⁷Shalak najj, ch'et'igwiniindhan t'ee Vit'eegwijyahchy'aa ts'an t'inchy'aa. Aij geh'an t'ee khik ts'a' gwint'oo nih'et'iriheqnghya. Juu lya zhyaq ch'et'igwiniindhan di'ij, aijt'ee Vit'eegwijyahchy'aa vigii, aijts'a' chan Vit'eegwijyahchy'aa lya haandaii. ⁸Vit'eegwijyahchy'aa gweedhaa tthak khik dinjii najj eet'iindhan, aij geh'an juu ch'et'igwiniindhan di'ij kwaa, aijt'ee tth'aii googaa Vit'eegwijyahchy'aa haandaii kwaa. ⁹Vit'eegwijyahchy'aa Didinji', it'ee shri' vigii, dzaa nankak gwats'a' hi'e', vik'iighai' lya zhyaq t'oohju' t'ee gwirehendaii geenjit. Jyah'ts'a' t'ee deegwit'oo diineet'iindhan geediinootin. ¹⁰Ch'et'igwiniindhan t'ee ज्याह'ts'a' t'agwarahnyaq.

Vit'eegwiyahchy'aa lyaa diineet'iindhan. Aji geh'an Didinji' dzaa nankak gwats'a' hi'e', diitr'agwaanduu diineenjit oo'an gweheelyaa geenjit. Vit'eegwiyahchy'aa adan tr'ookit diineenjit ch'et'igwiniindhan di'ji, aji't'ee vats'an ch'et'igwiniindhan tr'ii'ji.

¹¹ Shalak naji, Vit'eegwiyahchy'aa jyaa dagwaht'oo diineet'iindhan, akwat diikhwan t'ee lyaa zhyaa nih'teet'iriheenghyaa gwizhrii. ¹² Dinjii ch'ihlak gaq tth'aa Vit'eegwiyahchy'aa nah'in kwaa, gaq nih'teet'iriindhan ji', gweedhaa tthak diinaa nilii, aji'ts'a' chan vich'et'igwiniidhan tr'ii'ji, lyaa zhyaa gwit'igwehee'aa kwaa.

¹³ Ch'anky'aa Shroodiinya q diits'an i'tsaji, aji k'iighai' t'ee Vit'eegwiyahchy'aa khik diinaa nilii ts'a' diikhwan t'ee khik vaarinlii, lyaa gaagwiindaii. ¹⁴ Aji'ts'a' chan Diiti' Didinji' dzaa nankak gwats'a' hi'e', nankak dinjii naji datthak neehahshii heelyaa geenjit. Aji'ts'a' chan tr'aqh'ya', ts'a' tr'aqh'ya' khik ts'a' geegirinkhii. ¹⁵ Juu, "Zhik dinjii, Jesus oaazhii, Vit'eegwiyahchy'aa Vidinji' t'inchy'aa," nya q ji', aji't'ee Vit'eegwiyahchy'aa khik yaa nilii aji'ts'a' adan t'ee Vit'eegwiyahchy'aa khik haa nilii. ¹⁶ Vit'eegwiyahchy'aa thok ch'et'igwiniindhan diineenjit di'ji, aji t'ee veenjit gaagwiindaii, aji'ts'a' chan aji vich'et'igwiniidhan t'injiraqhchy'aa.

Vit'eegwiyahchy'aa gweedhaa tthak khik dinjii naji eet'iindhan, Juu khik dalak naji eet'iindhan ts'a' khik gwik'it t'inchy'aa ji', aji't'ee Vit'eegwiyahchy'aa khik haa nilii ts'a' chan Vit'eegwiyahchy'aa khik yaa nilii.

¹⁷ Vich'et'igwiniidhan tr'ii'ji, lyaa zhyaa gwit'igwin'ee kwaa, aji geh'an nijin drin dinjii naji datthak tr'oohahkat ji', tr'ahaqanjat kwaa. Dzaa nankak gwizhit Christ vik'it t'irinchy'aa, aji geh'an gwizhrii tr'ahaqanjat kwaa. ¹⁸ Diineet'igwiindhan gaagwiindaii ji', it'ee tr'ahaqanjat kwaa. Juu veet'igwiindhan gwit'igwin'ee kwaa, aji't'ee duuyeh naajat. Nijin dinjii naajat dai' t'ee, ch'adai' hee vigwiilzhii k'it t'inchy'aa. Nijin dinjii naajat dai', Vit'eegwiyahchy'aa ts'an ch'et'igwiniindhan di'ji, tth'aa hee gwit'igwehee'aa.

¹⁹ Vit'eegwiyahchy'aa adan tr'ookit diineet'iindhan, aji geh'an ch'et'igwiniindhan tr'ii'ji. ²⁰ Juu, "Vit'eegwiyahchy'aa eet'iihthan," nya q gwiizhik Christ k'injiighit naji itr'ii'ee, vaagwiindaii ji', aji't'ee oots'it nilii. Dzaa nankak juu Christ k'injiighit naji nah'in gwiizhik

giveenjit ch'eet'igwiniindhan di'iji kwaa ji', Vit'eegwijyahchy'aa tth'aii googaa nah'in kwaa, aji nats'ahts'a' eet'ihēēnghyaa? ²¹ Juu Vit'eegwijyahchy'aa eet'iindhan, aji't'ee Christ k'injiighit naji chan eet'ihēēnghyaa gwizhrii. Jyāhts'a' t'ee Vit'eegwijyahchy'aa diits'a' k'eedeegwiildhat.

**Jyāhts'a' T'ee Dzaa Nankak gwizhit Ch'anky'aa
Tr'aanduu Gwitr'it Gaiitr'iłtsaii**

5 ¹ Juu Jesus łyaa Christ t'inchy'aa, gwik'injiighit, aji't'ee Vit'eegwijyahchy'aa vigii. Juu ch'iti' nilii eet'iindhan, aji chan vigii naji eet'ihēēnghyaa gwizhrii. ² Aji geh'an Vit'eegwijyahchy'aa veet'igwiindhan ji', aji'ts'a' chan diits'a' k'eedeegwaadhat gwik'eegwarahthat ji', vigii naji chan łyaa eet'irehēēghyaa gwizhrii. ³⁻⁴ Diits'a' k'eedeegwaadhat gwik'eegwarahthat ji', t'ee Vit'eegwijyahchy'aa veet'igwiindhan garagwahaahchy'aa. Vigii naji teegogwāyahchy'a' ts'a' dzaa nankak gwizhit ch'anky'aa tr'aanduu gwitr'it gwideet'igiheechy'aa gagadhan. Diigwik'injigwiighit, aji geh'an dzaa nankak gwizhit ch'anky'aa tr'aanduu gwitr'it deet'irinchy'aa. Vit'eegwijyahchy'aa diits'a' k'eedeegwaadhat gwik'eegwarahthat garadhan, aji geh'an gwizhrii. ⁵ Juu Jesus łyaa Vit'eegwijyahchy'aa Vidinji' t'inchy'aa, gwik'injiighit ji' t'ee, aji naji zhrih dzaa nankak gwizhit ch'anky'aa tr'aanduu gwitr'it ideet'igiheechy'aa.

Vit'eegwijyahchy'aa Jesus Christ Eenjit Deinya'

⁶ Jesus łyaa zhyāā Christ t'inchy'aa, adan dzaa nankak gwats'a' haazhii. Dzaa nankak dhidii gwiizhik chūū haa chan chūū vats'an dhidlit aji'ts'a' chan vadaa vats'an tr'iinlāji aji'ts'a' niindhat. Chūū zhrih vats'an dhidlit kwaa, vadaa chan vats'an tr'iinlāji ts'a' chan niindhat. Ch'anky'aa Shroodiinyaā k'iighai' jii t'ee łyaa zhyāā gwik'it t'igwiizhik gaagwiindaii. Ch'anky'aa Shroodiinyaā łyaa duuyeh diits'a' oots'it. ⁷⁻⁸ Jii tik t'ee gwik'it t'igwiizhik, hi'deegwidlii gaagwiindaii, Ch'anky'aa Shroodiinyaā, chūū, vadaa kwaii haa kheihłok deegwiizhik gwagwahch'in. ⁹ Dinjii, "K'eegwiichy'aa t'igwiizhik," nyaā vik'injiriighit. Nijin Vit'eegwijyahchy'aa k'eegwiichy'aa t'inyaā dāi', izhik ch'andaa gwik'injireheeghit gwizhrii, deenyaā datthak hi'didlii. Jii t'ee Vit'eegwijyahchy'aa geediinaagwaandak,

Didinji' eenjit diinaa gwaandak. ¹⁰Juu Vit'eegwijyahchy'aa Vidinji' eenjit gwik'injiighit, ajiits'a' Vit'eegwijyahchy'aa deenyaq gwik'injiighit, ajiit'ee gininjich'ahthat ts'a' gwit'injyahchy'aa. Gaa juu Vit'eegwijyahchy'aa deenyaq gwik'injiighit kwaa, ajiit'ee, "Vit'eegwijyahchy'aa oots'it," nyaq k'it nihk'it t'iichy'aa. Vit'eegwijyahchy'aa Didinji' eeginkhii aji gwik'injiighit kwaa, aji geh'an Vit'eegwijyahchy'aa oots'it k'it deegwahtsii. ¹¹Jidii diinaa gwaandak, ajiit'ee gweedhaa tthak dinjii naji gweheendaii, nyaq t'inyaq. Jii gweedhaa tthak gwireheendaii diinint'eiin'aji, ajiit'ee Vidinji' k'iighai'. ¹²Juu Vidinji' tsyaa nilii naji, aji naji t'ee jii gweedhaa tthak gwireheendaii gii'ji. Gaa juu Vit'eegwijyahchy'aa Vidinji' tsyaa nilii kwaa naji, jii gweedhaa tthak gwireheendaii gii'ji kwaa.

Gweedhaa Tthak Gwireheendaii

¹³Juu dinjii oozhri' Vit'eegwijyahchy'aa Vidinji' k'injiighit naji, jii kwaii datthak nakhwats'a' gwidiht'oo. Nakhwats'a' ch'adiht'oo, jii gweedhaa tthak gwireheendaii gwinyaq lya zhyaq gaahakhwandaii geenjit. ¹⁴Nijin Vit'eegwijyahchy'aa doo'ya' diinoonyaq gwik'eegwarohthat gwiindhan ji', vats'a' kharigidiinjii, diineenjit deehe'yaa tr'oahkat diiniitth'ak ts'a' vaagwiindaii ajiits'a' chan diineenjit gwik'it t'ih'e'yaa. Aji geh'an najat ehdan vats'a' kharigidiinjii. ¹⁵Nijin vats'a' kharigidiinjii daji', lya zhyaq diiniitth'ak vaagwiindaii. Aji geh'an jidii eenjit vats'a' kharigeedi', aji ch'adaji' hee diineenjit gwik'it t'iizhik. Izhik t'ee gaagwiindaii.

¹⁶Juu Christ k'injiighit naji ts'an ch'ih'ee tehk'aa gwitr'it t'agwah'in, tee gweedhaa tthak gwireheendaii di'ji khadeenjit gwiizuu gwiltsaji. Aji dinjii t'ee veenjit khadigireheeyaa. Gaa juu Christ k'injiighit naji tee gwats'an ch'ih'ee tehk'aa gwitr'it t'agwah'in, gaa tth'aii gweedhaa tthak gwireheendaii gwii'ji tth'aii khadeenjit gwiizuu gwahtsii kwaa, aji dinjii t'ee veenjit khadigireheeyaa, Vit'eegwijyahchy'aa gweedhaa tthak gwireheendaii yats'an hahtsyaa eenjit. ¹⁷Juu tehk'aa gwitr'it t'agwah'in naji tthak t'ee khagwahtsii, gaa khagwarahtsii gwalat gwizhrji gwik'iighai' gweedhaa tthak gwireheendaii khadeenjit gwiizuu gwarahahtsyaa.

¹⁸Juu Vit'eegwijyahchy'aa vitr'iinin nilii naji, aji naji t'ee khagogwahahtsyaa gwankeegihi'ik kwaa. Vit'eegwijyahchy'aa

Vidinji' khik diik'aahtii. Ch'ankey'aa tr'aanduu diits'a' gwiizuu gwitr'it t'agwahah'yaa gwits'i'. Ajjit'ee gaagwiindaii.

¹⁹Vit'eegwiyahchy'aa vats'an tr'inlii. Dzaa nankak juu Christ k'injiighit kwaa najj t'ee ch'ankey'aa tr'aanduu goots'a' k'eedeegwaadhat. Ajjit'ee gaagwiindaii.

²⁰Vit'eegwiyahchy'aa Vidinji' dzaa nankak gwats'a' haazhii. Vidinji' vik'iighai' t'ee juu Vit'eegwiyahchy'aa nilii gaagwiindaii. Vidinji' haa t'ee ch'ihlak k'it t'irinchy'aa, aji geh'an Vit'eegwiyahchy'aa chan ch'ihlak k'it vaa t'oonchy'aa. Vit'eegwiyahchy'aa t'ee lyaa zhyaa Vit'eegwiyahchy'aa nilii. Gweedhaa tthak gwirehendaii diinint'eegwiin'aji.

²¹Shitr'iinin najj, Vit'eegwiyahchy'aa zhrih t'injuuhchy'aa. Yik'itiltsi' najj ts'i' adak'qontii, Vit'eegwiyahchy'aa k'it giveegoo'aii kwaa.